

Denhdwngj:

Gien Buhvaq Minzcuz Hawj Hagdangz

1 nyied 16 hauh, Denhdwngj Yen Minzcuzgiz bae daengz aen mbanj gungzhoj banggunz haenx—Dunghbingz Cin Bingzgvan Cunh haiguh coux cin baenzdauq bangruz hozdung, gien 66 dauq buhvaq minzcuz dij ngaenz 2 fanh maenz hawj aen siujyoz aen mbanj neix, lij soengq le laex ciengmoq hawj daengx hag 160 boux hagseng lauxsae, muengh hagdangz gaenxmaenx haiguh lai cungj lai yiengh minzcuz vwnzva hozdung, swnjcienz hwngfat gij ndei vwnzva minzcuz, gungganq bouxcoz nyezhung seizdaih moq cienzmienh hwngfat.

(Vangz Souciz/黄寿积)

► Giensoenga buhvaq minzcuz yizsi.



▲ Gyoengq hagseng fat ndaej ciengj nohmou riuhaha.

Sanhgyangh: Geizgauj Sat Ciengj Noh-mou Ndawrungh Lwghag Riuhaha

1 nyied 18 hauh, Sanhgyangh Duncuz Swciyen Duzdung Cin Cihliuj Siujyoz gawjhengz 2018 nienz cougeiq haggeiz cuengqgyaj denlij yizsi, ndaej boux vunz simndei bangcoh, gienhawj aen hag neix 200 gaen noh moudoj ciengj hawj 71 boux hagseng geizgauj cingzcik ndei haenx, hawj “ciengjbinj daegbied” saedyungh gikcoi ndawlueg lwghag roengzrengz hagsib, byaij ok ndawlueg, saedyienh gij lijsienj bonjfaenh.

(Gungh Bujgangh/龚普康)



▲ Fwngz ndeu riuj nohmou, fwngz ndeu yaengx mbaw ciengj, dahniq neix riu ndaej gig haisim.

Yungzsuij: Myauzcuz Beixnuengx Lingx Bonjcwng Moq Lajmbanj Baudieg

1 nyied 18 hauh, Liujcouh Si Yungzsuij Myauzcuz Swciyen Yungzsuij Cin Sinh' anh Cunh Mbanjczanglai gawjhengz bonjcwng moq lajmbanj baudieg fatcuengq yizsi.

Yungzsuij Cin nungzhoh miz 9000 lai hoh lingx ndaej bonjcwng moq baudieg. Ciuq cam rox, aen yienh neix ca mbouj geijlai miz 10 fanh hoh, gaenq fat bae 8 fanh lai bonjcwng baudieg. Bonj cwng neix lij ndaej aeu ma dingjat daigvanj dem.

(Liu Swjyenh/廖子渊)



▲ Gyoengq Myauzcuz beixnuengx lingx ndaej bonjcwng moq baudieg.

Dasinh: “Mbanj Ndeu Yiengh Ndeu” Fouq Nungzgya



▲ Bouxcoz youq ndaw suenmak ciengx gaeq.

Geij bi neix daeuj, Dasinh Yen doenggvaq “hozcozse + gihdi + nungzhoh” daengj mozsi, daihlig hwngfat “mbanj ndeu yiengh ndeu” ginghci. Daengz seizneix daengx yienh gaenq miz dajciengx doihduz, suenmak, ndaem byaek daengj mbanj conhyez 100 lai aen, daiqdoengh 4000 lai aen ranz gungzhoj vutgunz baenzfouq. Ndaw doz dwg 1 nyied 17 hauh, Dauzcwngz Cin Mbanjgauj bouxcoz nungzminz Lij Caizcin youq ndaw suenmak gueng gaeq.

(Vangz Dwzminz)